

### ՎԱՆՕՐԱՅՔԻ ԵԹՈՎՊԱՅԻՈՅ ՈՐԻ ԵՆ ՀԱՊԷՇԻՔ

1°. Վանք Հայր Աբրահամու՝ 'ի գաւթի տաճարին Սուրբ Յարութեան :

2°. Փոքր մատուռն յանուն Մարիամու Եգիպտացւոյ՝  
անդ 'ի գաւթին :

3°. Վանք յանուն Ս. Թեկղի՝ 'ի մէջ քաղաքին :

4°. Վանք յանուն Սրբուհւոյն , Աղջկանց վանք եւս ասի , 'ի մէջ քաղաքին :

### ՎԱՆՕՐԱՅՔԻ ՅՈՒՆԱՅ

1°. Վանք Ս. Կոստանդիանոսի , որ Պատրիարքի եւս կոչի :

2°. Վանք Ս. Թեոդորոսի՝ 'ի մէջ քաղաքին :

3°. Վանք Ս. Կատարինեայ՝ 'ի մէջ քաղաքին :

4°. Վանք Ս. Գեորգայ՝ 'ի մէջ քաղաքին 'ի թաղն Հայոց :

5°. Վանք Ս. Գեորգայ նոր՝ արտաքոյ քաղաքին :

6°. Վանք Ս. Գեորգայ՝ արտաքոյ քաղաքին , 'ի կողմն տւազանաց Սողոմոնի :

Ամենեքեան սոքա 23 վանորայք , որ 'ի սոյն թուականի Յոյնք տիրել կամէին իբրեւ սեփհական կալուած համագրեաց եւ հետեւակաց իւրեանց , որ եւ տիրեցին իսկ զվնի ժամանակաց , զոր ունիմք գրել 'ի կարգին : Իսկ դատուորն զայս ամենայն առեալ 'ի գրի առաքեաց 'ի Կոստանդինուպօլիս՝ ըստ հրամանի Արքային :

Իսկ այլազգիք Երուսաղէմի , որք սովոր էին հանապազ դառնացուցանել զքրիստոնեայս . ոմանք 'ի նոցանէ մտեալ 'ի գաւթի եկեղեցւոյն Համբարձման Քրիստոսի 'ի լեառն Զիթենեաց , կամէին շինել տունս բնակութեան . իմացեալ զայն միարանայն Հայոց՝ ընդգէմ կացին նոցա , զի չէր օրէն յեկեղեցւոյ Հաստատել զտուն բնակութեան , ցուցանելով նոցա զվաւերական դրեանս , որք Հաստատէին լինիլ տեղւոյն այնորիկ սեփհական ազգին Հայոց . որ եւ նորոգեալ էին հրամանաւ դատաւորին . բայց այլազգիք ոչ ինչ համարէին զբանս նոցա , ուստի հարկ եղև Հայոց օրինօք եւ դատաստանաւ վճարել զիրան , գնացին առ դա-